

Naligiissitaanissamut Siunnersuisoqatigiit pillugit Inatsisartut inatsisaata allanngortinneqarneranik Inatsisartut inatsisissaattut nr. xx. uu. qqqq 2003-meersussatut siunnersuut

§ 1

Naligiissitaanissamut Siunnersuisoqatigiit pillugit Inatsisartut inatsisaanni uku allanngortinneqassapput:

1. § 3 ima oqaasertaqassaaq:

"§ 3. Naligiissitaanissamut Siunnersuisoqatigiit ilaasortarai siulittaasoq ilaasortallu arfinillit. Naalakkersuisut siulittaasumik toqqaassapput. Suliniaqatigiiffiit imm. 2 aamma 7-mi taaneqartut inassuteqarnerat naapertorlugu Naalakkersuisut ilaasortanik arfinilinnik toqqaassapput. Siulittaasoq ilaasortallu ukiunut sisamanoortumik toqqarneqassapput Naligiissitaanermut Siunnersuisoqatigiit pilersinneqarfiat aallarnerfigalugu. Ilaasortat toqqarneqarneranni arnat angutillu amerlaqatigiinnissaat Naalakkersuisut anguniassavaat. Arnat angutillu tamarmik ikinnerpaamik pingasunik sinniisuutitaqassapput.

Imm. 2. Sulinermik inuussutissarsiuteqartut kattuffii anginerpaat pingasut ataatsimoorlutik sapinngisamik ajornanngippat angummik arnamillu inassuteqassapput, kattuffiit taakkua arlaannut ilaasortaasunik.

Imm. 3. Sulisitsisut peqatigiiffii anginerpaat pingasut ataatsimoorlutik sapinngisamik ajornanngippat angummik arnamillu inassuteqassapput, peqatigiiffiit taakkua arlaannut ilaasortaasunik.

Imm. 4. Kattuffiit uku, meeqqanut inuusuttunullu tungassutilinnik suliaqartuusut, ataatsimoorlutik sapinngisamik ajornanngippat angummik arnamillu inassuteqassapput, kattuffiit arlaannut ilaasortaasunik:

- 1) Tulararfik, nuna tamakkerlugu ulloq unnuarlu paaqqinnittarfiit peqatigiiffiat.
- 2) KANUKOKA, meeqqanut inuusuttunullu suliaasaqarfimmi kommunini atorfeqartunut.

Imm. 5. Kattuffiit/peqatigiiffiit uku, meeqqanut inuusuttunullu sullissisuusut, ataatsimoorlutik sapinngisamik ajornanngippat angummik arnamillu inassuteqassapput, kattuffiit/peqatigiiffiit arlaannut ilaasortaasunik:

- 1) KNAPK
- 2) Sorlak
- 3) PIP
- 4) AK, isumaginninnermi siunnersortit eqqarsaatigalugit
- 5) PPK.

Imm. 6. Arnat Peqatigiit Kattuffiat aammalu Qimarnguiit Kattuffiat ataatsimoorlutik arnamik inassuteqassapput Kattuffiit arlaannut ilaasortaasumik.

Imm. 7. Kalaallit Nunaanni angutit oqaloqatigiittartoqatigiit ataatsimoorlutik angummik inassuteqassapput oqaloqatigiittartoqatigiit arlaannut ilaasortaasumik."

2. § 4 ima oqaasertaqassaaq:

" **§ 4.** Suliniaqatigiiffiit § 3 imm. 2 - 5-imi taaneqartut Naligiissitaanissamut Siunnersuisoqatigiinni ilaasortaaitartik suliainik ingerlatsisinnaajunnaarpat, imaluunniit kattuffimmi/peqatigiiffimmi ilaasortaasutut piumasaqaataasut piviusunngortissinnaajunnaarpat, sapinngisamik angummik arnamillu inassuteqassapput.

Imm. 2. Kattuffiit § 3 imm. 6-imi taaneqartut Naligiissitaanissamut Siunnersuisoqatigiinni ilaasortaaitartik suliainik ingerlatsisinnaajunnaarpat ataatsimoorlutik arnamik inassuteqarsinnaapput.

Imm. 3. Angutit oqaloqatigiittartoqatigiit § 3 imm. 7-mi taaneqartut, Naligiissitaanissamut Siunnersuisoqatigiinni ilaasortaaitartik suliainik ingerlatsisinnaajunnaarpat ataatsimoorlutik angummik inassuteqarsinnaapput."

§ 2

Inatsisartut peqqussutaat manna 1. maj 2003-mi atuutilerpoq.

Namminersornerullutik Oqartussat, ulloq yy. zz 2003

Hans Enoksen

/

Finn Karlsen